



秋聲集卷之三

元

樵川黃鎮成元鎮

著

同郡何望海若士

較

大梁周亮工元亮

訂

古吳何 叔涵齋

編

秣陵王譽命聞上

編

杉陽蕭 雯雲章

梓

五七律

春日山行雜興 四首

出郭晴光遠。臨高逸興賒。路經棲鶴地。山入種桃家。石頂尋雲母。松根飲雪花。故人留宿處。朝飯有胡麻。

山翁留客住。自說樂餘年。日養分男舍。春耕稅主田。雨泥朝過鹿。山木夜啼鶻。鷄黍煩相勞。桃花出釣船。

城郭心何補。煙霞迹未踈。抱琴多勝地。得酒即

吾廬。夜候丹砂火。春尋石室書。夤夜到幽絕。高士亦巢居。

夜宿東屯月。朝行北渚雲。地穿龍虎氣。星列鳥龜文。白墮仙家釀。青精野客分。人言王子晉。笙鶴至今聳。

春雨南田書事 三首

流水三椽舍。桑陰五畝田。飯香分野碓。茶熟候山泉。石榻看雲坐。谿窓聽雨眠。桃花川上路。應

有釣魚船。

瓜圃通鄰巷。柴門接野蹊。賣薪歸早市。行餉汲寒溪。野鷺山前落。林鶯雨外啼。客來渾不答。孤絕正幽棲。

草徑交塍畔。花村曲水隈。夜燈鄰屋語。晨弩獵人猜。石閣雲低樹。溪添雨沒苔。已無機事到。終日面崔嵬。

鉛山早行

早起辭林館。隣鷄已再鳴。月弦當戶直。斗柄插山高。細濕侵藜杖。輕寒襲布袍。前趨東日上。五色動雲濤。

題三礪鄭氏耕隱所

故人耕隱處。一壑樂餘閒。逸舍流春水。當門出曉山。課童歸雨外。留客住雲間。尚恐遠溫清。城中日往還。

三華吳宜甫桃谿十詠

本原樓

樓閣依山外高居。白日長樹陰。浮石潤。雲影入江涼。宴坐涵千古。遐觀納八荒。此時天籟寂。虛白自生光。

旦氣軒

曉起憑虛檻。蒼涼羽翰輕。五雲開日觀。三島接霞城。雨歇連山淨。塵銷止水平。試循嘉種看。新綠自欣榮。

半月池

鑿地通泉入。冰輪隱半規。水涵光潏潏。雲度影遲遲。坐引流杯稱。書添洗硯宜。蛟龍得風雨。終去躍天池。

綠玉州

種竹滄波上。春深長萬竿。晴琴依水潤。夏簟入林寒。渭畝夸千戶。河菑頌百官。主人持勁節。留待雪霜看。

濯纓泉

石潤通山氣。甘泉二派流。霧浮丹穴暖。冰浸玉壺秋。遠達朝宗志。深懷澤物憂。濯纓無限意。風雨滿滄洲。

白雲塢

川上桃花塢。春風十里程。遙遙青嶂合。隱隱白雲生。草閣遮難覓。芝田潤可耕。從龍當作雨。膚寸起天行。

釣魚磯

溪上收殘雨。沙邊水落新。掃苔留坐石。投餌得游鱗。客至初蒔酒。僮歸旋斫薪。住山元不惡。物色莫相親。

納稼畝

谷口躬耕日。秋風穫稻梁。地腴登歲事。天角兆豐祥。野爨青精熟。山甌白墮香。此身雖畝畝。一飯豈能忘。

藝麻圃

舍外環麻圃。畦翠玉林。補紉紅女意。種樹逸
民心。夜績分鄰火。寒機雜曉砧。年年榮雨露。衣
被及人深。

懷濟舟

溪上桃華雨。堤痕半沒沙。永懷舟楫利。何恨水
雲賒。赤壁凌仙袂。銀河送客槎。傳岳應一起。未
許伴煙霞。

登南山蘭若

開基臨絕頂。居與鹿為群。一徑落紅葉。萬山生
白雲。石梁秋蘚合。茶竈午泉分。此地多苓朮。長
應侶隱君。

乘涼

借屋依喬木。乘涼愜病身。日回山有影。風遠竹
無塵。除地平施榻。攀條側掛巾。醉携龐老宅。真
作鹿門人。

得雨

十日得一雨。今晨初入秋。游饒期一稔。嘉遯樂
三休。綠茁晚松圃。黃收先秬疇。太平耕鑿好。群
盜勿相讐。

南出紫雲山居

十首

一宿南出頂。仙凡此地分。河明疑有浪。天近更
無雲。月色初秋見。泉聲徹夜聳。紅塵飛不到。其
與鹿為群。

紫雲當七夕。織女度銀河。絕頂瞻星近。浮空見
月多。仙家還杼軸。人世自干戈。抱拙何煩問。臨
風一浩歌。

一衲紫雲間。幽居丈室寬。無求塵世遠。不語道
身安。茗淪薪爐沸。瓜沉石井寒。似君精進力。得
法諒非難。

樹老秋仍露。山空晚更蟬。雨深春藥水。雲濕種
瓜田。對榻僧長坐。聞鍾客未眠。自應麋鹿性。踈

散愛林泉。

伏日不知暑。泉流山四圍。竹風渾却扇。松雨欲添衣。逸老為家好。逃喧過客稀。虛亭無戶牖。冉冉白雲歸。

絕壑開闌檻。遙峰展畫圖。雪翻僧供鉢。雲遶佛香爐。接板橋橫澗。連筒水入厨。杖藜行藥去。九節得菖蒲。

竹露連岩際。松風滿坐隅。水舂如有節。山鳥似

相呼。暑雨收崖蜜。晴雲斫土酥。月高秋萬宇。身世一冰壺。

碧巘明霞外。秋山畫不如。染成紅瑪瑙。削出翠芙蓉。五老天邊見。三神海上居。坐來高月上。聲落晚鍾疎。

閑士來何處。談空坐夜分。五山携杖月。三楚染衣雲。塔禮旃檀相。臺繙貝葉文。南峰尋道侶。吾亦偶相逢。

絕境紅塵遠。高居白日長。僻宜人不到。靜與世
相忘。宇澗星辰大。山虛水石涼。翠屏天外立。秋
氣晚蒼蒼。

八月稍告旱時雨沛然

天際雲初密。山尖日尚明。疾風吹竹亂。斜雨射
窓鳴。濯熱乾坤德。悲秋畎畝情。又聞鄰寇警。飛
報徵兵。

八月

白露下山城。秋風一夕生。遠山晴若近。微日晦
還明。南國登禾黍。中原洗甲兵。惟應餐沆瀣。雲
表桂華清。

冬夜

室暖如冬候。更長識老情。客氈初夢覺。隣燭更
書聲。漏緩風傳遠。窓虛月透明。自存中夜氣。起
咽玉池清。

苦熱

展書成坐睡就枕即無眠
情氣傷顏景孱軀畏
暑天樹陰靈隱路溪冷
武夷船未得乘風去懷
人意惘然

感事

忽得西軍報驚聞氣愴然
鼓聲沉白日旗影落
青天憤切居妨食愁深起
輟眠王師宜壯直即
聽凱歌旋

還家

避難三遷久還家一歲餘
亂中全子舍兵後
先廬池廢草留密徑存
林伐踈室堂聊訊掃未
敢計空虛

至節

至節新陽候關山戰伐場
沍霜宜應序初日漸
舒長草蔓寒終隕梅花靜
自香預謀煙艇好春
暖釣滄浪

題朱澤民畫山水

與客浮湘水琴書共一舟雲間雙樹曉天外數
峰秋指顧銷塵慮棲遲發擢謳未知身是畫明
月滿滄洲

麻姑一宿

絕谷寒聲淺陰堂翠色交蹋書摩藓石炊黍入
烟稍瀑落投龍洞雲歸養鶴巢誰能招我隱未
用解人嘲

學稼

學稼存吾事居山樂有年地收鍾一畝人雜斗
三錢曉雨丹林外清霜白鴈前為謀鷄黍具邀
客共談玄

斛蘭三開有懷蔣師文

白露滋蘭斛寒花晚更留香臨日午靜孤耐客
心幽夜月連千里天風薄九秋故人江海去相
憶負同遊

東陽道中

出谷蒼煙薄穿林白日斜
岷崩迂客路木落見人家
野碓喧春水山橋枕淺沙
前村烏柏熟疑是早梅花

里敦田家

去市二三里居山八九家
雨餘添菜蕪霜後出梅花
穀稔冬饒酒泉井日美茶俗淳
人事簡容我傲煙霞

冬春連雪

南北艱危日乾坤老大身
深山一月雪故歲兩年春
宿麥抽晴早寒梅破臘新
欲談當世事高唱若無人

社日

嶂隱層層樹溪流片片花
看雲連石室聽雨滿山家
目短書疑字牙疎飯怯砂
日長初試水公得社前茶

寄雷隱上人

寂憶高人住翠微萬岳千岫雪消時林階月在
行香早石屋雲多出定遲樓樹有僧留聽法看
泉無客和題詩松關不鎖容相扣定覓春山食
紫芝

春日東行

春郊冉冉散晴暉芳樹頰聳一鳥啼山驛水流
花落盡石田雲暖麥抽齊禪房鑿路當岫半釣
屋維舟近竹西行過野橋人語近尋源應到武

陵溪

題秋江把釣圖

獨載輕舸過碧川一綸牽動楚江天蘆邊有月
還吹笛柳外無風不繫船留火夜然湘岬竹得
魚朝送酒家錢十年湖海真如畫亦欲狂歌一
扣舷

遊麻姑山用蔣師文韻

紫霧龍鸞月裏遊白銀宮殿海中洲麻姑宴罷

壇猶在葛令丹成井獨留滴雨浮嵐空翠晚飛
花散玉瀑簾秋誰能共食金光草來往仙家十
二樓

雙溪客館

江關風壤故相接江閣感時還念家白鳥飛去
船着岬青魚上時人浣紗仙壇扶登借筇竹野
客進飯留胡麻城下新水長三尺裹糧明日共
乘槎

舟過石門梁安峽

書盡船頭載酒迴滄洲斜日隔風埃一雙白鳥
背人去無數青山似馬來天際雨帆梁峽出水
心雲寺石門開同遊有客如高李授簡惟慚賦
峴臺

送憲幕陳時中分題得平章河

海國猶傳利澤功滄溟縹緲百蠻通潮來估客
船歸市月上人家水浸空析木星辰三島外擗

桑宮殿五雲東河梁此日重携手目送靈槎萬里風

晚晴書事

白鶴臺西晚雨涼欲晴山氣遠蒼蒼鴉含落日歸平楚鴈背殘霞上越陽溪崦築茅堪理釣畝田收禾好休糧秋風有約巢雲去却擬狂歌學

楚狂

平楚越陽郡城二臺名

三衢夜泊

涼夕清江弭楫棹拍浮身在太空虛星河光動牛女宅風露氣逼鮫人居去郭晴天更鼓遠連灘永夜水舂踈人間萬事豈足累扁舟歸釣槎頭魚

金原先壘之側湧泉其潔

山下流泉冷沁冰滌荒開甃貯其澄穴通海眼魚龍沸波溢田膏雨霧蒸茶鼎夜寒分石乳藥鑿春暖洗雲層尋幽有約烟霞侶萬壑千巖擬

共登

西陵渡

日午移舟出隩隈，謹呼走趨百人回。
潮依草岬痕初落，風拗蒲帆影半開。
極浦海門生霧雨，隔江烟樹起樓臺。
中流淡漫魚龍過，勇陷危攬亦壯哉。

明州西渡

西埧津頭望海濤，揚波捲雨日滔滔。
一江風起

晚潮上半夜舟行，山月高葭葦連空迷。
雪舫魚龍吹浪濕，宮袍乾坤不得身。
如葉我亦螟蛉笑，二豪

會稽南鎮廟

巨鎮東南表海邦，玉書金簡昔人藏。
雲從禹會奔侯國，星列周官奠職方。
已祝洪釐尊社稷，更磨貞勒寫文章。
幅員今已同王制，勅使年年攝薦璋。

臨川青雲亭

平野荒荒雉堞低
一峰闌檻與雲齊
斗牛三尺龍光照
城郭千年鶴爪題
白雨來時江水北
青山盡處夕陽西
古來亦有憑商客
樹影蒼涼遶大堤

金原營小舍割山中田畀守者

烏子情孤淚滿襟
手移丘木已成陰
丹砂不換千年骨
白髮空啣九地心
自託烟霞謀卜築
每

勤霜露寄登臨
傳家未得成先志
敢墜遺言付託深

宿富沙水西

有玉觀相傳漁人入水見宮殿扁曰五清洞天二人對奕

歸家人無在遂仙而去

溪上千峰樹羽旄
溪灘漱玉夜聲豪
霜前鼓角凌風迥
月下樓臺隔水高
北苑九重傳貢茗
東陽千日醉仙醪
人間歲月棋邊換
歸住山中學種桃
比苑茶東陽醞土產云

雅正卿壻別都魯沙迓憲使歸漢陽

纔聞征旆入三神又矚歸鞚過七閩仙籍九天
承雨露使華千里動星辰江間木落雲帆冷雨
後梅開水驛春亦欲登樓乘夜月幾時來食漢
江鱗

章袁嶺

三華西上章袁嶺鳥道凌空窅阻脩從龍雲氣
皆在下旋蟻天文如上浮花竹一家巢絕頂烟

塵九點認齊州欲尋王子營丹處玉宇高寒不
可留

送危山人歸江西

山人歸去大江西龍虎經文肘後攜江漢地分
南紀遠斗牛天入北辰低挑瀛谷口泉初落杉
擁關門鳥自啼已辨登臨筦屐屨君來往踏
晴泥

題定武蘭亭

繭紙香隨玉匣遺寶書天上世難知狼烽幾墮
昆明劫蟬翼猶傳定武碑晚雨蒼花侵搗石秋
山柿葉費臨池東郡已往誰能繼神物終煩謹
護持

贈張孟琛

江海張公鬢欲華每從吟屋寫梅花逢人處處
能知己作客年年易別家閩嶠午山生霧雨洞
庭秋水落蒹葭河源八月西風便天上還乘奉

使槎

章子漁白雲崖

越城高倚白雲崖下華堂向水開千嶂落霞
秋樹老一江疎雨暮帆迴清樽款客稱文舉綵
服娛親憶老萊何日膏車從子去賦詩因上西
花臺

送詹景仁赴江陵軍民總管

開府南條寂上州古今形勝一登樓三巴洶洶

魚龍窟七澤蒼蒼插袖洲問井寓兵生聚遠詩
書謀帥拊循周仲宣亦有從軍賦遙望西江李
郭舟時杜清碧同載

湖廣提舉黃子肅挽詩

太史周南久滯留俄聞歸視有孤舟人間化鶴
輕千歲天上騎鯨隘九州漢水悠悠紅樹晚聞
山寂寂白雲秋詩宗密印誰相付宿草青青有
首丘

三山九日示鐵克剛

九日南州尚滯留高風寒鴈獨登樓自憐白髮
誰為客欲買黃花只負秋南國美人鸚鵡賦北
庭公子驪駒表不愁大地風霜苦更擬吹笙過
十洲

虎溪三笑圖

栗里先生不鼓琴偶携明月到東林白雲滿地
蒼苔濕流水一山春雨深歸路已忘言外意過

橋誰識笑時心
人間俯仰成陳迹
傳得高風說到今

鼓山靈源洞

有劣崩天風海濤亭磳水岩

劣崩峰頭萬丈梯
上方高與白雲齊
青山盡處海門濶
紅日上來天宇低
喝水無人空宴坐
磨崖有客謾留題
飄然欲御長風去
一笑何煩過虎溪

元正陪宴奉東黃庭美

憲使韓公時按部

玉帛充庭會百僚
衣冠陪位集三朝
烏臺凜凜融層雪
龍闕蒼蒼麗九霄
入面酒和春意動
插頭花暖曙光搖
兩生禮樂成迂事
翻對東風憶舜韶

和揭希常立春

玉律頒春謹換時
銅壺傳箭漏聲移
瞳瞳曉日開黃閣
習習和風拂畫旗
綵杖三環迎氣早
華筵六豆醉歸遲
小車行處花如錦
徧洛陽園總

是詩

乙亥閏十二月重改仍至元

玉殿垂衣儷典墳
喬雲承澤浹乾坤
歸餘不數秦終閏
紀曆重瞻漢後元
萬里耕桑環海域
一溪漁釣老烟村
願聞龔魯為州邑
亦欲承風造羨門

答陳季權貽新曆

山中無曆紀流年
不記春深欲種田
正朔又新

頌郡國封題猶又到
林泉鳳聲吹律時
成歲龍角回杓斗振天
白日舒長同化國
滄洲閑理釣魚船

辛巳還光邑祖居上
并約江少府同到

東井田廬故業非
十年風雨寸心違
江湖水濶冥鴻去
城郭春深化鶴歸
桑梓盡隨黃壤化
松楸空望白雲飛
梅仙此日能相約
竹杖相携上翠微

秋風

秋風淅淅生庭柯蕭蕭木落洞庭波紅樹夕陽
蟬噪急白蘋秋水鴈來多王孫不歸怨芳草山
鬼欲啼牽女蘿蕪葭蒼蒼白露下望美人兮將
奈何

舟過大茅洋

漲海渾茫寄一桴候神東去接方壺帆隨雪浪
高還下島沒冰天有若無鴈影斜翻西日遠潮

聲直上晚雲孤投緇擬學任公子掣取封鯨
高夫

補陀島

一片雲帆駕渺茫東臨絕島拂扶桑九天波浪
隨星客萬壑魚龍覲水王日觀遠開溟渤動雲
臺倒浸白花香候神海上應相見為覓安期却
老方

胡文壁歸池陽就赴淞閘

送子先登赴棘闈大江東又溯江西天連楚樹
山雲濶雪湧吳潮海浪齊仙桂引香蟾兔近客
槎乘便斗牛低鄉英上合中興將聞道天門榜
已題

錢塘

雨過高風發屋聲吳中暑退却寒生晴光入眼
園林薄夜氣侵人枕簟輕寺鐸呼風宵自語隣
攄織月曉猶鳴江湖處悲秋客起東歸裝不

待明

題林處士故居

先生勝隱得孤山小艇沿湖日往還自愛烟霞
居物外豈知名姓落人間鶴無過迹苔痕老梅
自開花月影閑表墓有銘祠有奠高風千載更
庶頑

贈葉山人

仙巖溪上葉山人手佩青囊太古文北極池從

林邑下南條山到蜀江分尋源屢識蛟龍宅探
穴長隨虎豹群更約秋風清霽日與君高踏萬
重雲

贈曾鍊師

聞說玄都曾鍊師曾從海上識安期游山採藥
辭家早掃石看雲出洞遲醮罷每棲雙鶴樹丹
成時浴九龍池長年別有壺中樂消得仙人斃

局棋曾善棋

歲十有二月庚寅立春丁亥之春也

生甲逢春六十周乾坤俯仰一虛舟歲寒冰雪
梅堪賦物外烟霞鶴與儔夜火流丹燒藥竈午
泉分乳試茶甌吾心已定身何繫極目閑雲任
去留

用韻酬涂啓仁傳鈞永午日聯句兼餉余

酒

西江迴棹遡烟濤南谷登樓碧四遭兩戒山河

隨蠟屐十年風雨重綈袍樽開北海雲鯨浪白
禿中山月兔毫更憶迂翁伴仙客遣分朋酒慰
離騷

昭武圖經載天子岡越王駐獵之地樵木
時得古瓦有羅紋鴈翅之狀堅緻如石
以時考之千數百矣感而賦之

北平山上越王城獵騎如雲此駐兵瓦礫不隨
塵土化市朝空逐海田更鴻泥雪點深無跡鴈

翅羅紋碎有聲訪古獨來舒望眼萬峰浮翠入
天明

李氏妹夫仲章歸自襄陽

子到方城漢水西客帆烟雨幾程期襄陽耆舊
更安在峴首風流今有誰隱去亦尋龐氏宅醉
歸還過習家池可能人事非前日曾問青山知
不知

用鷲峰師韻送澗泉上人游方十首

天台

天台山上綵虹橋山下桃花帶露飄
仙客雲霞迷舊路化人宮殿現層霄
穿林夜氣香為蓋冠嶺晨光錦作標
若到上方應駐錫遙聞法鼓動春潮

鴈蕩

鴈山鐘磬半空聞雪嶺霞城此地分
金塔影浮

滄海月寶臺光繞梵天雲禪機已熟能傳印世
經難嬰易解紛更上孤峯看瀑布願將餘瀝消
妖氛

補陀

潮音海洞石盤陀送子東遊奈別何日上扶桑
天不遠雲連析木地無邊水王獻寶開丹穴呈
使通槎泛白波見說蓬萊清淺處便從鵬翼起
秋河

衡岳

身隨衡岳片雲來南極朱陵洞府開八桂山川
臨鳥道九疑風雨溼龍堆使華今日嚴珪幣祖
印何年翦草萊直到無生參學畢逢人遮莫說
輪迴

廬山

廬阜山陽幾勝遊榻來重為虎谿留千尋瀑布
雲霞冷九派江流日月浮白鹿盤、高洞曉黃

花采、故園秋東南更有名
蓋在莫道諸訊亦
已周

五臺

去禮文殊寶刹開倚空
巖岫鬱崔嵬金函奉旨
傳香至白氈圖形載法
來心鏡象聽天外月教
筵獅吼地中雷還將拂
子閑拈起更上繡經第
一臺

鍾山

一上鍾山萬慮消虛谷樓閣翠岩崑金陵鬱
帝王宅天塹悠南北朝月滿石城秋似水風高
淮浦夜生潮未應便作乘蘆去且聽僊人碧玉
簫

靈隱

路入西山窈復深法筵應有匝僧臨兩峰塔影
天垂蓋千佛林光地布金牛苗僮逢圓澤語龍
宮還見閻仙吟空中更上巖雲洞水樂冷、奏

八音

峨眉

峨眉樓閣現虛空
玉宇高寒上界同
茶鼎夜烹千古雪
花幡晨動九天風
雲連太白開中夏
日繞重玄宅大雄
師去想無登陟遠
祇應飛錫驗神通

五山

浮杯東渡海門潮
鷺嶺玄關路匪遙
十載江湖

曾慣歷五山風月自相招呼
猿洞口行雙澗放鶴亭邊入
斷橋直到妙高峯上望曇花天
雨滿煙霄

右十首從東澗老人歲本補錄于玉峯徐氏之小有園辛未仲冬望後一日啓源記

秋聲集卷之四

元

樵川黃鎮成元鎮著

同郡何望海若士較

大梁周亮工元亮訂

古吳何棟涵齋編

秣陵王譽命聞上編

杉易蕭雲雲章梓

七言絕句

富沙道中

溪上北風天
雨霜野田高
下散牛羊
前村落盡
烏桕葉無數
人家在夕陽

谷口

谷口橋邊日未斜
先尋宿處近梅花
分明聽得吹長笛
祇隔紅闌第一家
谷口橋邊尋隱君
山中幾時耕白雲
清霜滿天柏葉赤
石上水聲終夜聞

松江款乃題李復禮松江漁者圖卷

松江渡頭開釣船
松江水碧秋粘天
夜來酒醒山上月
祇在蘆花深處眠
釣魚莫釣斑子肥
榜舟莫近彭郎磯
磯頭日日風和雨
彭郎吹浪濕人衣

春日行近山

道人聞住集靈壇
春日尋君一里山
行到竹房燒藥處
仙家只在白雲間

門外山童掃落霞問師還只在山家推窓引客
雲邊坐自扇風爐煮雪花

春山程鍊師山房

春山道士不飲酒顏如丹渥氣如虹不是出山
歸較晚貪看明月過橋東

春山道士不辟穀自斲芝田種白雲昨夜石壇
明月冷一聲長笛半空聳

過福山僧不遇

香積厨邊雨紛紛繡經臺上柏煙焚不知飛錫
遊何處應在天台看白雲

新城道中

苦竹黃泥十里餘一村煙雨暗平蕪清楓渡口
半可涉無數山禽留客酌

清風逆旅

繫馬門前日正亭與君相見問知名感君意氣
侶相識聊贈木桃將遠情

秋聲集 四卷 三
妾家本在湘江住 湘江水深歸路長
菴君有便 過湘水 憑寄音書還故鄉

南田夜雨

四簷春雨夜浪浪 記得吹笙近竹房
三十五年 江海夢又隨歸鴈 過瀟湘

遊麻姑偶題

借得丹爐煮石泉 樓居一日近神仙
偶然吹笛 下山去又過人間 五百年

題鄭子聲畫

能畫能畫鄭廣文 丹成揮手謝塵氛
不知笙鶴 遊何處 留得瀟湘一片雲

南田耕舍

跨鶴來尋處士家 迢迢空翠隔煙霞
山童揖客 松邊坐却背春風 掃落花

山下雲收宿雨涼 一溪流玉自宮商
松陰滿地 苔華濕坐對爐烟 白日長

行到長松野水間
吹簫石上不知還
嵐光已重衣裳冷
自扣岩扉月滿山
松下携鏡採茯苓
一山紅葉正縱橫
因留石上雲生處
又聽冰崖瀉瀑聲

題麻姑圖有懷蔣師父

曾宿丹霞十二樓
水亭風館不勝秋
故人天上無書到
自展山圖看雪流

山居春日雜吟

五色雲開日上東
臙寒銷盡得春風
秦人自愛桃源好
新酒家家有醉翁
白髮盈顛又得春
自將平日省吾身
胸中俯仰無慚忤
度外從天不在人
南北東西經亂離
閑思往事只堪悲
山中落盡梅花片
同賞春風更有誰
平生海岳舊心期
萬里風雲入夢思
今日獨從高處望
偶逢林寺一題詩

紫雲山

六月久旱連禱輒應

其澤中宵下建瓴一簾秋意枕邊生
名山有禱神如在聽取村村打稻聲

題梅花太極圖

太極在物物中不獨梅也而梅開冬熟夏得六陽之

純氣華得受采之全色實得曲直之正味是梅為植物之尤異者中明繪為十圖以見太極之初終蓋表而出之也故各賦其事云

太極無朕

萬里江天欲雪時石梁斜路枕寒漪
山翁擬

春滿息踏遍青苔未有詩

氣化有形

吟屋蕭疎霜後村江頭千樹欲黃昏
等閑又被春風覺添得寒稍月一痕

性質合凝

携杖來尋碧玉泉千林紅葉晚霜天
何人寫得琴中意盡在踈枝淺水邊

風神全具

曾向燕雲畫裏夸孤山流水斷橋斜
祇今殘雪踈籬外始見江南第一花

含春待放

行到湖邊處士家春風籬落近晴沙
應將綵筆題新句直待滿林飛雪花

得月齊開

幽芳一點無塵到况是月明霜夜深
恠得陽春滿天地溪橋千樹玉成林

踈影橫煙

霜姿月骨夜稜上亦有輕烟一帶橫
聊似染空成淡影幽香不減向來清

寒枝壓雪

雪枝擎重為花惜怯冷應開春色中
勁節始知金斲日歲寒終謝玉成功

歛華就實

山亭流水雨初歇楊柳橋頭花正飛
直待清陰

成子日與君携酒送春歸

待用調元

疑姿已得木味正鍊粹復專陽德純大用憲歸
調鼎實生生無盡一腔仁

早春感興

風雨生寒七日春梅花落盡杏花新欲談舊事
推時變無復當年行輩人
生際華夷混一年老從耕鑿遇堯天春和着物

皆生意豈是乾坤雨露偏

一室虛明白晝閑圖書左右坐中間嗒然隱几
無人到身在白雲深處山

石壁山前春水生畝田雨後課童耕交游半是

漁樵客使者無煩問姓名

時部使者劉公有薦章

春夜聽雨有懷

孤客曾聽夜雨眠一生江海已華顛吟懷不與
春風隔謾憶簷聲五十年

天地飄飄老此身一懷幽思為誰伸
春來猶有登臨趣擬向山中覓故人
天上仙人玉笏班殷勤贈我翠琅玕
相逢不復傷遲暮知己能傾一語難

宿武夷

秋日停車宿武夷石壇雲館近天梯
幾時來此山中住結箇松巢伴鶴棲

李中明秋山小景

家住夕陽三峽口人行秋雨二嶠間
不知何處真堪畫移得柴門到楚山

山家四首

十里南田去郭賒不因無事却移家
纔分宿火添香注又酌山泉煮茗華

家住桃花源上村編松為屋鹿為群
匡床盡日臨門坐閑看青山起白雲

野衲來棲半屋雲一單猶貯貝多文
問他城郭

山林事手數輪珠默不聞
石洞懸流瀉碧崖石橋幽磴抱雲迴
樵人共我山頭看知是吹笙跨鶴來

題李氏甥彥博所藏枯林蘭石

幽芳冉冉路雲深白石滄江見此心
零落佳人空谷自彈秋月寄瑤琴

聞鷄

曾催月影倒寒窓又促征車拂曉霜
湖海故人

今白髮五更孤枕淚浪浪

秦原嶺

山行盡日不逢人五里松風十里雲
還有道家燒藥處時時笙鶴半天聞

和周凌雲秋日光邑山行韻

聞嶺秋深水樹涼原田耕獲歲時忙
無人盡得農家樂雨過青踈白稻香

贈染棧周方大

曾見東溟湧日輪霞流丹穴錦田文蓉城昨夜
西風壯捲入春膏五色雲

贈海中所藏顧定之竹

凱之遺墨在人間風起蕭蕭萬葉寒何日携琴
踏青蘚雨華臺上聽琅玕

方壺墨竹

方壺仙人灑香墨矛戟縱橫八法中青巒舞
秋水濶珊珊飛佩凌天風

憲椽孟伯真

杜老題詩不到闕千年風物跡猶陳即今海內
傳新句直待邯鄲孟伯真

黃月潭

平生山水寂相親蠟屐長隨野鹿群未似月潭
雙足健東南踏遍萬重雲

樵陽八詠用陳教和周東圃韻

五曲精廬

歌擢曾窮九曲源精廬迢遞隱屏前閑尋五曲
樵溪上三十六峰秋滿船

萬峰梵刹

雲館高車窠上峰遙林清逼翠微宮下方塵土
不可到五色日麗扶桑東

石鼓松風

蛟鼉斫斷蘚痕斑萬壑蕭蕭七響珮環溪館夢回
山月冷滿天秋影聲珊珊

丹臺梅月

羽客丹成去此臺獨聞笙鶴夜歸來幾回欲問
臺邊月晴雪梅花冷自開

北橋春舫

北橋橋下春水生畫橈兩兩蛟龍爭晚風樓畔
珠簾捲倚棹何人聽玉笙

西塔暮鍾

山外斜陽紫翠浮桂輪無影半空秋晚鐘吹落

人間去一抹青煙淡未收

樵嵐秋稼

樵溪水出蓮花山
平疇穰稌白雲寒
田家太平豈有象社酒
鷄豚常盡歡

熙春朝陽

會景亭西曉獨登
晨曦一上萬山清
滿城桃李春如繡
人在金鰲頂上行

杭川八景

君山霽雪

誰把琪花散碧霄
千岩萬壑總瓊瑤
支頤正好吟詩句
莫遣東風一夜消

仙岡暮靄

霏霏暝色滿山城
隱隱岩霏帶晚晴
試問仙人何處是
數聲樵唱不勝情

九峰晴旭

朶朶芙蓉倚碧天
溪光嵐影藹晴煙
望中佳致

堪圖畫疑在匡廬五老前

七里春濤

滾滾桃花浪拍空
茫茫東去勢何雄
禹門三汲
渾如許應有潛鱗
此化龍

雲岩書燈

曾伴先生共夜闌
時留餘焰在雲端
自從折桂
蟾宮去
賸馥殘膏
幾歲寒

月庵鍾鼓

雪滿長空月滿樓
鼓鍾聲裏夜光浮
懸知老衲
無餘事
長祝皇圖
億萬秋

烏州漁唱

扁舟一葉任西東
煙水微茫處上同釣罷歸來
無箇事
數聲款乃
夕陽中

龍灘棹歌

潺上石灘急如弦
靈物曾從此處眠
最是短篷
煙雨裏
長歌一曲
水連天

謝子安之江右求葬師

千里間關覓葬師
青山多在白雲西
秋風滿道吹紅葉
何處逢人問楚溪

家在煙嵐五縣間
碧榕橋下水潺湲
朝來雨過秋如洗
寫出江南一幅山

題牛背醉歸圖

社散田頭日欲晡
平坡煙煖草如鋪
醉來祇坐烏犍背
歸去花村不用扶

歲久携家住白雲
春風行樂任天真
頽然醉後衣冠古
應是山門鹿下人

雲山小景

天上香風拂彩橋
雲霞宮館鬱嵒堯
先行從白鶴山頭過
吹動仙人紫玉簫

題烏江廟

昔云耻向東吳再起兵者項王之徒勇卷土重來未可知者亞

父之迷復子因評之

五色龍文應漢王
項家徒用力爭強
不知麾下

無人傑卷土重來亦是亡

題錢清埧

父老何知太守賢
宵無龐吠即安眠
當時不作歸裝累
更莫輕持一火錢

於越

沃土連雲富稻梁
十年生聚信敵疆
扁舟不見鴟夷面
獨上高臺釣越王

會稽山

安宅茫茫宅上都
東南萬里播鑿輿
遙觀禹穴雲如海
玉帛繽紛上計書

柯亭

金碧樓臺宅梵王
柯亭無處問中郎
何當截取如椽榦
吹起崑丘紫鳳凰

霽月

寒愛春來暑愛秋
水長山遠白人頭
天時自有清涼日
霽月如銀獨上樓

飛瀑潺湲瀉碧岑野橋分路入雲深三椽草屋
長松下應有先生抱膝吟

題摘枝海棠

展卷還教蜀客疑半含清露濕臙脂草堂二月
花無數開透春風未有詩

五月調兵赴綏陽

五月南征亟出師黃塵眯目汗流衣衰翁偃仰
猶嫌暑慚愧軍中幾日歸

五月農家半未畊更聞田鼠食苗萌轅門昨夜
飛書急十戶三人赴調兵

五月公私乏見儲師徒野掠竟何如自憐無力
操戈從未敢偷安飽飯居

五月炎蒸日似年金龍山下有林泉不知杖錫
何時去裹飯從師借榻眠

李遵道枯木竹石圖

老樹槎牙倚半空蒼筠葉上帶秋風欲將歲晚

論心事遙憶美人江水東

夜中忽雨

歲惡無鄰堪乞糴時艱何地可移民秋來一夜
江南雨不責空困活饑人

五言絕句

越王臺

臺枕荒丘古蕭蕭草木秋遺來輦輅跡傳屬越
王遊

放歌臺

堂構新池上閒來放浩歌陽春原寡和夜月許
誰過

西窓晝雨

三春驚過半霪雨洒窓西鵲腦添爐炷春鳩隔
樹啼

春竹

花落東皇暮春江深復深雙柑携向客斗酒聽

鳴禽

看泉

竹樹柴門古重陰
胷女蘿
裴徊谿逕曲瀑布下
岩阿

雪舟獨泛

玉樹聳長空瓊瑤萬壑封
夷猶冰鏡裡詩思霸
橋東

納涼

避暑到重陰
奚奴扶素琴
南薰時自至灌木鄉音
鳴禽

春竹

巖曲瀉鳴泉
風花萬樹斫
支筇連袂去踏草興
悠然

老僧翻經

趺坐倚雲根
圓空慧性存
法華惟自轉
難與世人論

野橋

選勝野橋邊
疎松似鼓絃
亭幽當水曲
林際起

秋烟

放棹

天清一棹遠
楓老葉如花
湖到芙蓉渚
遥空見

雁斜

雪

瓊瑤天半
管風急
六花飛寂寞
無人境
孤舟傷

釣磯

夕泛

秋淨山如拭
江清一棹橫
推帆近暮眺
趺坐侍

潮生

野望

寒江一棹遠
接岫板橋斜
獨往乘幽興
何妨去

路賒

戊辰仲夏從王孝廉紹唐借得黃元鎮秋聲

集四卷命鈔胥易出隨以元刻本校對歲之守
逸堂中庚午三月鮑待詔景熙邀予至金陵寓承
恩寺寺傍書屋星布茶前飯後與景熙縱觀
竊意金陵為文獻之數名流收歲必多秘冊無如盡
數搜奇卒無良書止得時刻此集知乖謬自復不
少深用致慨歸棹後以元本校之盡卷不差一字乃服周
亮功輩潛心汲古所刻必親自校讐卒為善本後之讀是
書者勿輕視也是年端午前一日長洲後學薄啓源記

